

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan		
Vol. 43	Issue No. 46	Ramhlun North: Ni 15 November, 2025
 SUB. COMT THU THAR YMA CENTRAL CO-ORDINATION COMMITTEE (CCC) MEETING VAWI 104 - NA NEIH A NI Ramhlun North, the 15th November, 2025: Vawiin 12.11.2025 hian Central YMA Hall, Tuikhuahtlangah CCC Meeting vawi 104-na neih a ni. He meeting hi Pu. R. Lalngheta, President Central YMA in kaihruiin, Committee member 248 an kal. YMA Inkhawmpuilian Vawi 75-na Sakawrdaia hman zawh tak chu thlir letna hun hman a ni a. Sakawrdai khua ten mikhuah min thlen danah palai ten lawmawm leh nuam an tih thu an sawi a, rorel inkhawm erawh tun aiin palai ten ngaihpawimawh a ngaih thu leh inkhawmpui kal uar tura tan kan lak a ngaih thu te sawi a ni. THURELTE A. YMA KHAWIH 1. YMA inkaihhruiina leh nihphung leh hruaitute mawhpurhna, rampumah inzirtirna neih ni rawh se - CEC in ruahmanna rawn siam rawh se tih a ni. 2. Mizoram chhunga hnamdang sumdawng, phalna nei lo tam ta lutuk hi titem turin YMA-in hma la rawh se - CEC in ruahmanna rawn siam rawh se tih a ni. 3. Mizo hmeichhia ten hnamdang pasal an neih zel loh nan Central YMA hian inzirtirna nasa zawkin kalpui rawh se - Hma lak dan tur CEC in ruahmanna lo siam rawh se tih a ni. 4. Mizo infiamna te chawisan a nih theih nan Central YMA in hma la rawh se - CEC in hma lo la rawh se tih a ni. 5. Zohnahtlak chi peng hrang hrang Mizoram a chengte zingah chi bil hmalakna a awm tawh loh nan Central YMA in hma la rawh se - CEC in hmalak dan tur ruahmanna rawn siam rawh se tih a ni. B. SAWRKAR KHAWIH 1. Inner Line Permit (ILP) hi tun aia khauh leh awmze nei zawka kalpui anih theih nan YMA - in Sawrkar - ah thlen rawh se - CEC in ruahmanna rawn siam rawh se tih a ni. 2. Tui hnar humhalhna dan siam ni rawh se - CEC in chak takin lo bawhzui rawh se tih a ni. 3. Mizoram chhunga inkalpawhna kawngpui hrang hrang a chhiat avanga mipuiten harsatna kan tawk nasa lutuk thin hi a lo ziaawm theih nan Mizoram Sawrkarin tun aia chak zawkin hma la rawh se - CEC in ruahmanna lo siam rawh se tih a ni.  SECTION THU THAR Khuangchera Section: Nizan khan SCERT compound, Chaltlang ah Sumtuak hnattlang neih a ni a, member thahnem tak an thawk chhuak a, thawk chhuak zawng zawngte chungah hruaitu ten lawmthu an sawi. Saizahawla Section: Pu K. Vungmanga, S-Sec. Leader chuan a nu Pi Neihkimi (L) hriatreng nan Lecturn tha zet mai Section te a pe a, a chungah hruaitu ten lawmthu an sawi a ni. Vanapa Section: Sumtuak nan kum 2026 Calendar zawrh tum a ni a, vengchhung mipui te lo dawr theuh turin min ngen a ni. Chawngbawla Section: Ni 18.11.2025 (Thawhlehni) tlai dar 3:00 atanga zan thlang hian thlan lai hnattlang koh tum a ni a, member ten remchang lo insiam turin hruaituten min ngen a ni. A hmunah zanriah kilho tur a ni dawn a ni. Library Duty turte Ni 22.11.2025 1.Tv. PC. Malsawmzuala 2.Tv. Samuel Vanlalnghaka 3.NI. Lalrindiki 4.NI. Lalfelfamkimi 5.NI.R.D. Vanlalmangaihzei 6.NI. Lalnunpuii Hmar 7.NI. Ruth Biakchungnungi BRANCH COMMITTEE THU November ni 14, 2025 zan khan Ramhlun North Branch Executive Committee Meeting Vawi 11-na neih a ni a, khawtlangin kan hriat awm thurel tlangpui te hetiang hi a ni. 1. YMA Inkhawmpui Lian Vawi 75-na, Sakawrdaia neihah Zaipawl leh Special Item, NI. Lalbiakhlui, K-Sec. te hlawhtling takin kan nei thei a, lawmawm kan ti hle. Hei bakah hian kan branch atanga kal te a huhoa min lo mikhuahlu Pu C Tawnluia, New Vervek leh Khawmpui kalte tana lirthei thawhchhuahpui zawng zawng chungah RN YMA-in lawmthu a sawi baw a ni. 2. Hruaitu thlan: December ni 12, 2025 zanah kum 2026 RN YMA hruaitu (OB) thlanna neih a ni dawn. <i>(He hunah hian member a tam thei ang ber kan tel theih nan he inthlan hunah hian a theih hram chuan veng chhungah programme dang siam lo turin kan inngen a ni. -Ed)</i> 3. YMA Sum Audit: YMA sum Audit turin Pu Lalchuanawma, ECM (Auditor Sr.) leh Dr. C. Lalremruatfela, ECM (Auditor Jr.) te ruat an ni a, anni hian branch, thlanmual sub committee leh MARYMA sum an audit ang a, RN YMA Treasurer leh Finance Secretary ten Section leh Sub-Committee sum an audit ve thung ang. Sum vawngtu ten December ni 1, 2025-ah account te audit turin Auditor-te hnenah theh luh vek tur a ni. 4. Krismas chibai bukna: Kum danga kan lo tih tawh angin, veng chhungah YMA-in Krismas chibai bukna pekchhuah leh ni se kan ti a, section tinin an huam chhungah a dawng tur awm mi te lo thlang chhuak se kan ti. 5. Central YMA Sub-Committee hrang hranga kan branch atanga tel tur mi pathum rawt tura min tih angin Pu Biakchungnunga, Secretary, Dr. Joseph Lalmingliana, Asst. Secretary leh Pu Rorelliana, Treasurer te rawt ni se kan ti. 6. JAC 2025-2026 hruaitu thar te bul tan nan Rs 2,500 pek ni se kan ti. 7. Industry Muala kawththler chei turah RN YMA hmingin Rs 10,000 thawh ve ni se kan ti.		



PÊM LEHKHA NEIH

Mizote'n khawtlâng nun inawpna dân nghet leh tha tak kan nei a, hei hi kan chhawm nung a ngai fo. Pem chungchangah pawh hian kan khawpui Aizawlah pawh hian inthlahdah lam kan pan mai ang tih a hlauhawm hle.

Mihring kan pûng chak a, khawpuiah phei chuan khawtlâng hrutaitute pawhin mahni vêng chung mi leh sa kan inchian sêng ta lo, pêm lût leh pêm chhuak, awmna insawn kual kan awm ve reng tawh a. Pêm lehkhane n thlapa lo awmte chu chhiat an tawh pawhin kan khua leh tui nihpui tih hriain, a tul zawng zawngah kan inbuaipui a ngai tih a hriat theih nghal deuh mai a; zirlai, hna thawhna leh tul dang avânga rawn awm lailâwkte erawh chu an khaw lama ruang lâk tur a nih tlângpui thin avângin kan inbuaipui theih dân tur âwm tâwkte pawh hriat a awlsam phah thin. Tin, document pawimawh hrang hrang siam tur te hian khua leh tui nihna tichiang tur leh tuna an dinhmun tihchianna tur atan Local Council/ YMA hriatpuina lehkhama pawh thin a ni a, chutiang lehkhama siamsak turte dinhmun chiang taka hriat theih nan chuan pêm lehkhama hi a tangkai bawh.

Khawtlâng inawpna leh then thianghlimna thilah YMA hian neitu chan kan chang ber a, vêng chung mi chêngte mamawhna hi a sâng hle. Hei hi chhiat that thil mai bâkah veng himna thlenga nghawng thei a nihna lai a awm a; chuvangin, khua leh tui tha nia inngai, nih zêl tum tân chuan pêm lehkhama neih tur tih hi pal zût ngawt chi a ni lo chiang hle.

In neitute pawhin kan in luahtu turte'n pêm lehkhama an nei em? An awmna hmasa lamah khawltang tan hnawksak an ni em tih te chenin kan zir chian peih a ngai ta! Vêng a lian zel a, YMA hrutaitute kuta ngah vek sên a ni ta lo, kan thenawmah pêm thar an awmin pêm lehkhama nei an ni em tih te, an neih chuan an theh lut em tih te bengkhawn ila, kan YMA hrutaitute ngaihventir kan hreh loh chhoh zêl a tul dawn a ni. Pêm thar chungchânga branch YMA hmalakna rêng rêng theih tâwpin i thlâwp tlat zêl ang u.



KHAWTHLIR

PHUNHNÂWMA LUNGPI

Phunhnâwma Lungpui hi Hnahthial District chungah awm; Lungpuitlâng khaw hming put chhan pakhat, an khaw hmun hlui a awm a ni a, an khaw thar atangin KM khat vel leka hla-a awm a ni. Lunglei atâng erawh km 106 a hla a ni thung.

Lungpui lian ber, Phunhnâwma Lungpui/ Lung an tih hi feet 76 zeta sang niin feet 180 laia hla a ni a. A dung pawh 60 metre leh a sang 26.60 metre-a sang a ni bawh. A chungah lawn chia hian a chhehvel khua leh Burma tlâng dung thlenga kan chhuk thlir tawh thin avângin hmun sang hlau mi tan chuan lu a hai rum rum thei.

A chung hi zâu hle mahse a zawl cham diai lo deuh a, chuvangin inti huaisan fal tan pawh zana han riahna êm chi chu a ni lo. Phunhnâwma Lungpui hi a hmuchhuaktu Cheural Lal, pasaltha Phunhnâwma hming chawia phuah a ni a. A ram vakin he lung hrâwl leh mawi danglam zet mai hi hmuchhuakin a hnuai Pûka a zâl mek laiin Lasi nen an intawng a. Arpa hluisen hlan tura a tih angin a hlan a, a hlan hnuah an inchukha chhova, an inzâwl zui ta niin an sawi.

Lungpuitlang khaw hmun hlui leh an khaw hming put chhan tih takah a chhehvel hi lung lian tak takin a khat a ni ber a. Thing mawi tak tak - Tlaizawng, Keifang leh Thingsia thlenga awmin; chung thing te chu Nauban chi hrang hrangin a bâwm a, tlawh a manhla hle. Lungpui bulah hian chawlhna nuam tak siam a ni bawh.

Lungpuitlâng hi a mi nawlpuiin kan hriat theih dan tur chuan Fanai tlangdunga khaw lar South Vanlaiphai leh Muallianpui inkara awm a ni. Heta Vanlaiphai pawh hi Pu Phunhnâwma phuah a ni a, a bul tak chu Vuleiphai a ni. Vulei chu Lai tawng niin Lei lung tihna a ni, Leilung zawl tihna a nih ber chu. A hnu zelah a hming zulzuiin Vanlaiphai tih a rawn ni nawlh ta a ni, tiin upate titi naa hriat dan a ni.

Aizawl leh Lunglei lam atanga kal duh tan chuan NH - 54 kawng zau nuam leh mam tak zawh zelin Tuipui Darzokaia penguin South Vanlaiphai, Sangau etc panna kawngpui kan zawh zel a.

South Vanlaiphai khaw pelh chia atângin vei lamah Lungpuitlang panna kawngpui hi penguin, heta tâng hian KM 9 leka hla a ni tawh.

A panna hi a lian lo nain a tha ang reng hle a, horn pek pawh chhang let lem lova

tlân fua fua thin an awm nawk avângin fimkhur erawh a ngai deuh.

Tui a harsat avângin Lungpuitlâng khua hi an khaw hmun hlui atâng hian an insawn chhuak a. Amaherawh chu, an insawnchhuahna hmun tur chungchangah an thu a inhmuh loh avangin In 15 vel chu New Kawnpui ni taah hian an inbengbel a, a bak in 38 vel chu an khaw hlui hnuai maia awm; Lungpuitlâng ni zui taah hian an insawh nghet ta a ni.

Lungpui leh a chhehvel hi zin mite hîp thei tak tur, cheibawl pawh harsa lo tak a ni a. Sawrkar hian ngai pawimawhin chei se; tlawhtu an tam bakah sum lakluna tha tak a ni ngei ang.

LUNG PÛM

Lungpûm hi Sialhawk, Khawzawl district ram chungah awm a ni a. A lung hi chher mum pahni, tlâng chhipa awm a ni a. Mirawnggho sulhnu a ngai a ni. A sei zawk hi 18ft leh a tawi zawk hi 15ft vel a ni a. A len lam (diameter) hi fit thum leh a chanve atânga feet 4 vel a ni a.

Hetiang lung chher mum, a bul velah pawh hetianga lian lung lakna tur awm miah si lo tlâng chhipa a awm ngawt hi a mak a. Mihring thil tih pawh nise engtin nge he lai hmunah hian an dah ngawt theih tih chu zawhna awm thei a ni.

Lungpûm ram tlâng chhîp zam pheiah khian khaw hmun hluite leh an thlanmual hluite pawh tun thleng hian hmuh theihin a la awm a. Hemi hmunah hian mihring lo cheng hmasa an awm ngei a ni tih heng a? âng te hian a hriat theih a.

Tûn hma kan pi leh pute hun laiah phei chuan mizo pasaltha te'n an kah chak em em thin Sai te pawh a lo awm tawh thin a ni tih hriat theihna turin tûn thleng khian sai tuang dung te pawh hmuh theihin a la awm. He lai ram hi thlawh hma atana theh kum a nih hian buh leh balah Sialhawk chuan an hausak kum a la ni ziah a ni.

FREE SERVICING, FREE SERVICING

Tui filter current hman, eng company pawh, kan hnen atanga lei leh lei lo pawh a thlawn in Ramhlun North huam chung tan servicing kan tih sak thei e.
Spare parts chikim kan kawh bawh e.

Ph: 8787597708/ 9362300611/ 8415901776

Airtel

Internet Connection
la duh tan biak theih reng kan ni e.

Ph: 8414014411 / 9366814911



Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalhuntluanga, Vanengmawia

Manager: C. Lallianzuala (9862365843); **Asst. Manager-te:** Zodingliana, Lalrinchhana, Lalrinawma

Circulation Managers: PB Lahuapzauva, Samuel Lahlupaia, Hmingthanzuala, Vanlalrinkima, R. Zodinanga, Zothankhuma, Lalrinchhana, K. Lalmuanpuia

MARYMA	PHEK 3-NA	RN YMA CHANCHINBU
 ZIN & HAW ■ Pu Lalremsanga Hnamte, ECM hna pawimawha Phuaibuanga zin chu a lo haw leh ta. ■ Pu Robert Lalremruata, V-Sec. hna thila Mumbai zin chu a lo haw leh ta. ■ Tv. Jeffrey Zonunsanga s/o Laldinthara Ralte, T-Sec. Malaysia a zin chu a lo haw leh ta. ■ Pu R. Rotluanga te chhungkua, V-Sec. chhungte tlawh a shillong-a zin chu an lo haw leh ta. ■ Pu RD. Rorelliana, N-Sec. te chu an chhungkua in Sawlengah an zin. ■ Pu Lalremsiama Khiangte, K-Sec. rawngbawlna thila New Delhi-a zin chu a lo haw leh ta. ■ Pu Richard Lalsangzela, C-Sec. thil pawimawha lo haw chu a hna thawhna hmun Khawzawlah a let leh ta. ■ Pu Lalchhuanawma, K-Sec. chu a u boral vangin Phuaibuangah a zin. ■ NI. Lalthanpuii d/o Lalthankunga (L), T-Sec. chu a hnathawhna hmun America lamah a let leh ta. ■ Pu David Vanlalhruaia, V-Sec. chu a hna thawhna hmun Lunglei lamah a let leh ta. ■ Tv. Zorinsanga Sailo s/o Sangkhumi , V-Sec. rawngbawlna thila New Delhi-a zin chu a lo haw leh ta. ■ Pu Haulianthanga, V.Sec thil pawimawh buaipuiin Vangchhia lamah a zin. ■ Tv. Lalrinawma s/o Lalthlengliana, K-Sec. Andaman & Nicobar Islandah hna thar a hmu a, thawk turin a kal ta. ■ Joanne L. HrahseL d/o Joshua L. HrahseL, C-Sec. in check up a Kolkata-a kal chu dam takin an lo haw leh ta. ■ Pu Lalhmingmawia, T-Sec. chu a hna thawhna hmun Lungleiah a let leh ta.  PH. NO 8794634839 MONTHLY FEES: RS 2000 TINGTANG PERH LO ZIR VE RAWH LE Music zir tur hian kum bithliah a awmlo va, thiam duh na i nei hrim hrim emaw, in faten thiam se in duh chuan tanpui tur che in kan awm reng e. 	 DAMLO ■ Tv. Lalthlamuana Ralte s/o Pu Lalhmingchhunga, K-Sec. chu Dengue vangin in lamah enkawl mek a ni. ■ Pu Lalmalsawma, C-Sec. chu Civil Hospital, Aizawlah a ke ruh zai a ni. ■ Jeffrey C. Lalawmpuia s/o C. Lalmangaiha, C-Sec. chu Trinity Hospital-aṭangin a lo chhuak leh ta. ■ Pu Joseph Lalthanliana, K-Sec. chu Dengue leh Typhoid vangin Nazareth Hospital, Ramhlun North ah enkawl mek a ni. ■ Pi Lalduhsaki h/o Lalrammawia, K-Sec. Alpha Hospital, Chanmari a awm chu dam takin a lo chhuak leh ta. ■ Pu Lalthanzama, K-Sec. taksa chak lohna hrang hrang avanga Nazareth Hospital, Ramhlun North a awm chu dam takin a lo chhuak leh ta. ■ Pu C. Lalzuala, S-Sec. chu khawsik vangin Synod Hospital, Durtlangah enkawl mek a ni. ■ Pi Zachingi c/o Pu C. Rodala, S-Sec. chu Civil Hospital, Aizawlah enkawl mek a ni. ■ Pu Lalramchhana, K-Sec. chu natna hrang hrang avangin in lamah enkawl mek a ni. ■ Pi Thangmani, K-Sec. chu natna hrang hrang avangin New Delhi lamah enkawl mek a ni.  KOHRAN ■ Presbyterian Kohhran Ramhlun North: Ramhlun North Presbyterian Kohhran, Kohhran Hmeichhia ten Silchar Bial fangin an kal meka, mi 46 an kal a ni. Thawhtanni hian an lo haw ang. Vawiin hian Naupang Sunday School, Sacrament Department te Exam an nei a. Kar thar (Nilaini) zanah Dan chhunga lawm luh an ni ang. ■ Presbyterian Kohhran Ramhlun East: Ramhlun East Presbyterian Kohhran te chuan Ramthar Field hmun hnih an tlawh a. An Kohhran ṭanga missionary chhuak NI. Ruthi Lalduhawmi d/o Lalmuanawma, S-Sec. awmna hmun Hmawngbuah mi 15 an kal a. Tin, NI. Lalramtiami d/o T. Thangdela, S-Sec. Tlabung, Chawnpui lamah mi 17 an kal. Thawhtanni hian an lo haw ang. ■ The Salvation Army: Ramhlun Corps Mens Fellowship member te chu Central North Division MF Rally, Tuidam-a neih hman turin Zirtawpni zingah an chhuak. Ramhlun Corps chuan an partner West Lungdar Corps chu Pathianni chawhma leh chawhnu inkhawm hmanpui turin an tlawh.	 KEIMAHNI ■ Ni 15.11.2025 hian MARYMA Editorial Board leh agent zawng zawng te intuaitharna RK Pool, Chite ah intuaitharna an nei a.  LAWMAWM ■ Tv. Lalnunmawia s/o R. Lalrinmawia, V-Sec. chu Mizoram Architect Forum General Secretary atan thlan thar a ni. ■ Rebecca Lalramthari d/o Samuel Lallawmawma, S-Sec. chu North East Womens’ U-19 Cricket Championship-ah champion team-ah telin final-ah Manipur an hneh a ni. ■ Pu Victor Lallawmawma leh Pi Lalrinzuali, K-Sec. te chuan tunkar khan Synod Hospital, Durtlangah fanu an nei thar ■ Pu Lalhriatpuia, ECM chu All Mizoram Open Carrom Tournament, 2025 Mens Doubles-ah an Champion a ni. ■ Tv. Malsawmtluanga s/o Larry Chunglura (L), N-Sec. chu BSF-ah a tling thar.  THILDANG ■ Insawn:1. Pu Lalbiakthanga Hmar te chhungkua, C-Sec. chu Durtlangah an pem. 2. Pu B. Laldinsanga, V-Sec. te chhungkua chu Pu L H. Thanga in ṭangin Sihphirah an insawn. ■ Industry Peng Welfare: Kumin hian Industry Peng Welfare chuan Industry phei kawngpui chei leh ngei nise an ti a, he kawn cheiah hian sum leh pai leh tha mamawhna a sang leh hle dawn a, vengchhung mipuite kan ṭanrual ṭat a, hnatlangah pawh inthlahrung hlahu lo a ṭahnemngai taka hnatlan hunah pawh thawkchhuk ṭeuh turin min sawm nghal a ni.  PAWL DANG ■ RSC: RSC Basketball Team te chu Chawngthu Sports Aizawl District Basketball Association Cup, 2025 khelh mekah RSC Team chu Pool Champion niin Semi finals-ah Model Veng Basketball Club hnenin zanin dar 6: 30 hian Bawngkawn Horns nen Final an khel dawn a ni. Mi inphal thilpek petu zawng zawng te leh a hmun leh in lam ṭanga ṭawiawm ṭhintu zawng zawng te chungah lawmthu an sawi a ni. ■ Ramhlun North Cricket Club: Ramhlun North Cricket Club player te hâk tur Jersey tlângzarhna hun Ni 11.11.2025 (Thawhlehni) zan dar 8:00 khan SERVAMUS-ah Pu Robert Lalfamkima; President,Cricket Association of Mizoram chuan a nei. Jersey tumsaktu SERVAMUS PLAZA neitu Pu Roberta te chungkaw chungah RNCC chuan lawmthu an sawi. ■ Joint Action Committee: Vawiin tlai khan YMA Committee Room-ah Joint Action Committee ten charge an inhlan. Hruaitu thar te hian kum 2025-2026 hian min hruai dawn a ni. ■ Project Clean Ramhlun North: Tun thla tawp hian kan member kal ta Tv. Lalmuankima (L), hriatreng nan veng pum huap thianfaia hnatlang neih tum a ni a, vengchhung mipui te thawk chhuak thei apiang he hnatlangah hian minrawn telpui turin kan insawm e. Programme kimchang issue lehah tichhuah a ni ang.

MARYMA

PHEK 4-NA

RN YMA CHANCHINBU

ARTICLE

Chanchinbu leh Ui

- Khuma, N-Sec.

Kum 1998 vau thla, a hun leh thla te chu, hrechiang hle mah ila, a ni tak erawh ka hre ta lo, han phuahchawp ngawt chi lah ni hek lo le, kha thil kha erawh nimin ral ta ang khan ka la hre reng nia.

Ramhlun North veng mawng kil atangin khawfing chah hma in step tlawn thum a thui zet zawh chhuakin industry peng ka chhuak chho a, kha step tlawn thum kha hlam ta ni ila hlam engzah tak daih ang maw, thui ve tak chu a ni. Tichuan, industry peng atangin lirthei engmah beisei tur awm hek lo, taksa sawizawi pahin canteen kual panin kal titih tlan titih in Zarkawt kawn ka chhuak phei a. Tin chutah chuan thlangkawrvai vala a chung lama (underline) tawng tial hmang India tangka hlutna hre zet ho chuan hna an lo thawk suau suau a, an hnathawh saka te kha tumah an awm si lo va bum tumin chhia an chham khum ang tih pawh hlauhawm tak a ni tia ngaihtuah chungin ka tum ram panin ka liam san ta a.

Tin lo ngai teh u khai, ka tum ram kan thleng chiah chu maw, tuk dang a ka hmuh ngai reng loh Pu Runbika, Hnehtu chanchinbu editor leh neitu ngei kha zing tho phang phak deuh hian a lo thu a, Mizo pa puan dik tak 1960 chho vela tah ni awm tak, a rawng pawh da vek tawh hi a lo veng a, tawnzau var a lo ha a, kekawrte a hak leh hak loh erawh ka hre ta lo. A lo fel khawp a min lo be luam a. Mahse ka hmanhmawh em avangin ka kut vei lama chanchinbu hum teuh chungin leh kartin chhuak chanchinbu Zoeng bu, bu 10 ka kut ding lama keng chungin ka chhuahsan ta a.

A hmasa berah Pi RL Khuangtuahchhungi, Dawrpui kan pe phawt a, a ni kha a kum tam ngaihtuah aia thuthar hriat chakna a tuihal ve zet kha a ni a, la dam tak maw. Zarkawt, Chanmari leh Ramhlun veng engemaw zaha ka pek hnuah a hmawr bawk ka hnaih ve leh dawn ta. Tichuan Ramhlun Vengtharah tuktin a ka kalna thin ni si kha kawng peng kan hai tlat mai pek a, a thlang zawk a pen phei tur kha a chhak zawk kawng pheiah kan peng chut mai pek a. Ka pen atanga chil chhak phak aia thui deuhah chuan hmeichhe naupang 3 hi hlim takin an lo infiam a.

Chuta tanga in dung chen aia thui kan kal leh chu maw, ui pa lian deuh dum run hian a mei a lo vai kawh luah luah a, ka hlau kher mai. A lian lutuk kha Sakei hmuhin ka hmu hial a, heng lai velah Sakei dum chi an khawi emaw ni chu aw ka ti hial reng a ni. Chutah ka kal tlang ngam tawh si lo, thingfak ka zawng ka hmu mai si lo, lungtum ka zawng leh a awm mai si lo, ka hnung tawlh hrut hruta min ngur pahin min rawn um, a chak thei ang bera tlanchhiain ka pen tanna bula in pakhat tlem a kawngka lo in hawng det detah chuan khur chungin ka tlan lut ta a.

Tin, ka piaah lawka hmeichhe naupang 3 te mawlh kha asin hlauh tak tak naah chuan an lo tlan chak ngei mai, mi inah khan kan tlan lut rual reng nia maw le. An zinga a lian ber phei kha chu kawngka ka hawn khan min tlan luh khalh emaw ka ti hial reng a ni. Hmeichhe naupang 3 leh kei hlau lutuk mangang au thawm kha a ring lo thei lo, in neitu nu kha a hriselna a tha hrim hrim a, a chi ai lo mai mai a ni, mahse a meng phawk takzet chuan ka hria, lungphu tha lo nei chu ni se a thi dang chiang ngawt ang.

A ni kha nu fel leh chinchang hre tak a ni a, ui neitu leh ui kha a lo hrechiang ngang mai, a neitute tana hlauhawm loh hi midang tana a hlauhawm zia te, ui ek ninawm zia te, an in kawta thahnem ngai taka zun leh ek a hnutchhiah thin thu te min hrilh a. Ui neitute in a len luh a duh loh thin thu leh pawimawh tawpkhawka a len luh dawn pawn talhtum keng lo chuan a luh ngai loh thu te nen lam min hrilh hrep bawk.

Aw le, kan chhungkaw zinga tel ve hiala kan ngaih, kan ui vulh te hi midang tana hnawksak a ni em? Mi kailawn te hi ek inah a hmang em? Midang te ti ralitu a ni em tih ngaihtuah reng chung a thunun that hi kan mawhphurhna a ni chiang khawp mai.

GRACE HOME

HYBRID INTERNET FTTH

Mb:7005670377

Speed	Data	Per Months
50Mbps	Unlimited	Rs 500/-
70Mbps	Unlimited	Rs 600/-
100Mbps	Unlimited	Rs 750/-
150Mbps	Unlimited	Rs 850/-
200Mbps	Unlimited	Rs 1000/-
300Mbps	Unlimited	Rs 1500/-

Price Inclusive of GST

Grace Home Christmas Discount

1. One Month (1) Free

2. Connection (Router 5G)

Rs 2500/-

Ph: 8974005217

7005670377

Grace Home

Hybrid Internet

Ramhlun North, Aizawl

KC TUI

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chung tan discount kan pe e.

Ph: 7005010327 / 9774223462 (10-5)

SP TUI

Tui hna thianghlim, ei leh in tlak, litre 2000 pickup trip kan pe thei e.

Mobile: 9615789047 (5-3)

JM SEPTIC TANK SEVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.

Rate: inbiak remna. (10-4)

Registration: MRS 542

Contact: 9862476439 / 9436199884

SAWMA SEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.

Rate: Inbiakremna Ph: 8119969364 (10-4)

KHIANGTE SEPTIC TANK SERVICE

Septic Tank khat paihfa, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e thawk thei e (20-4)

Contact - 9862344971 Bawngkawn South

L.H SEPTIC TANK SERVICE

Septic tank paihfa leh repairing engkim kan thawk thei e. Kum 17 chuang experience nei kan ni e.

Rate:4500 per trip (30-23)

Ph.6909183193

TLUANGTEA SEPTIC TANK SERVICE

Septic tank khat paih leh repair kan ti thei reng a, rate chu inbiakremna a ni ang.

Contact: 6033373188/9612376373 (5-1)

C/o Marina: 9436140350

SANGASEPTIC TANK SERVICE

Septic tank paihfa leh repairing engkim kan thawk thei a, experience tha tak kan nei e. Rate hi INBIAKREMNA (5-5)

Mb. 9863524969/ 9366506115

HANDEL MUSIC SCHOOL

Presents

WINTER MUSIC CLASS

Plano, Keyboard, Guitar, Drums, Violin, Ukulele

Admission fee 500/-

Contact: 9856701540 / 8132843722

Published & edited by Eddie Lalfakzuala for and on behalf of Ramhlun North Branch YMA. Copies- 1,270